

GO BILETŠA JESU

LEFELONGTIRAGALO

 Modimo a go šegofatše, ngwanešu. Modimo a go šegofatše, ngwanešu. A re inamišeng dihlogo tša rena.

² Tate wa Legodimong, re thakgetše kudu gore re sa ne Wena, Morena. Ge re na le dilo tše dingwe tšohle di ile, re sa na le Wena. O wa gosafelego go ya gosafelego. Re a Go leboga, Morena, ka dilo tše tša go makaša tše O re laeditšego tšona ka go nako ye ya bofelo. Re a Go leboga bakeng sa tsošeletšo ye le bakeng sa lefelo le mo, bakeng sa Ngwanesu Carlson, bakeng sa banešu bohole ba go direla tikologong ba ba lekago go swara selo se se lokilego. Re a ba rapeldiša, Morena, ka pelo ya rena yohle, gore O tla—O tla fa go phafoga go gogolo fa ka Chicago, Morena. E fe. Re lebeletše pele bakeng sa yona. Bjale lebalela dibe tša rena le dikarogo. Gomme bjale, Morena, go lapa go boleleng ka mmele, eupša efela moyeng ke ikwela boswa, gomme ke a rapela gore O tla re mpshafatše bohole bjale le go re dira komana bakeng sa e ka ba eng O nago bakeng sa rena bošegong bjo. Re e kgopela Leineng la Jesu. Amene.

³ Le ka dula. Ye ka kgontha e bile nako ye kgolo ya go lapolosa bakeng sa ka. Ke e thabetše kudu. Morena Jesu a nnoši o tseba ke bontši gakaakang gore ke—ke leboga Morena bakeng sa—bakeng sa se A... bakeng sa se A re diretšego.

⁴ Bjale ke nyaka go leboga batheeletši ba bakeng sa botho bjohle bja lena le bakeng sa tirišano ya lena, go—go dula hleng le rena le go theetše Lentšu. Gomme efela, Lamorena bošego, ka morago ga go ba le tirelo ya Lamorena morago ga sekgaleta, lefelo ka kgonagalo le tletše bošegong bjo gape. Re leboga seo kudu.

⁵ Bjale ke nyaka go le leboga bakeng sa dika tša lena tše dinnyane tša dimpho tše le nthomtšego, ka Billy Paul. Lepokisi la dipongpong le lepokisi la dikuku, gomme, le a tseba, lepokisi la—la mook wa dikoko, gomme, oo, dimpho tšohle tše dinnyane le dilo, di no ra bontši kudu go pelo ya rena. Ka kgontha re a e leboga. Ka mehla...

⁶ Ke nagana ba rile ba tšere moneelo wa lerato. Leo e be e se lebaka ke tlidego, bohole le tseba seo, morago ga mengwaga ye yohle. Eupša se moneelo wa lerato, ebile ga ke o lebelele, ga ke o bone. O ya thwi go le—le... bakeng sa—bakeng sa leeto la boromiwa mošwamawatle, le ke lokišago go le tše gonabjale.

⁷ Ke ya ka gare go bona ba bangwe ba lena Manorwegian le Maswede, legae la lena la setlogo moo le tšwago gona, godimo ka

Norway le Sweden; le tlase ka Denmark, godimo ka Finland.

⁸ Gomme ka gona godimo go bona Ngwanešu Mattsson, ka Kenya le Tanganyika, go etela dikolo tša gagwe. Ngwanešu yo monnyane ka kgontho o šomile thata ka dikolong tše. Ke ya go mo etela, go bea bodiredi bjoo Morena Jesu a mphilego, pele ga masogana ale a bohlokwa fale ao a yago ntle a rwele Ebangedi.

⁹ Go tloga fao, pele go theogela ka Afrika Borwa, ka tla, ke leka go tla morago tikologong go kgabola China, Japane, le godimo go kgabaganya lehlakore le lengwe la lefase.

¹⁰ Seo ke se re se dirago ka meneelo ye ya lerato. Gomme re . . . Kagona batho ga ba kgone go thekga dikopano ka mašeleng, kafao ke no tšwelapele ke swareletše morago se sengwe le se sengwe seo batho ba mphago, se a tsena. Ebile ga ke kheše tšheke; e tempiwa go tšwa kerekeng, le go ya ka moneelong le go kgona feela go šomišetšwa seo, ke feela, kafao gona ke a tseba go swanetše go ya gabotse, le a bona, kafao re a leboga.

¹¹ Gomme ka kgontho ke tla thaba, e ka ba diphesente tše masomeseswai tša phuthego ya rena tikologong fa ka Chicago gantši ke Manorwegian goba Maswede, gomme—gomme ka kgontho ke batho ba go ratega.

¹² Gabotse, ke tloga Chicago, bakeng sa Tucson, Arizona. Ke moo ke phelago bjale. Gomme ke dula . . . Mmasetene wa ka ke Moswede yo monnyane. Ke a dumela a ka no ba a dutše mo, bošegong bjo, Kgaetšedi Larson. Ke dula legaeng la gagwe ka Tucson, Arizona. Ga se ka ke ka mmona le bjale, eupša o dula mo ka Chicago, gomme mohlomongwe mo ka nako ye ge a se ntle ka Tucson. Wa go ratega, motho yo mobose yo monnyane, le monnamogatša wa go ratega. Ka kgontho re a mo thabela.

¹³ Gomme bjale, Ngwanešu Carlson, Banna ba Kgwebo ba Bakriste, bohole banesu badiredi gohle, Morena a le šegofatše wa go huma. Morena a šegofatše lefelo le le go le dira lefelo le legolo la phološo, moo, botšabelo moo baloki ba tšhabelago ka gare gomme ba bolokega. Yeo ke thapelo ya ka ya go hlokoſala. Gomme ke tshepa ka pelo ya ka yohle gore . . .

¹⁴ Ka go ye bogale ye, Melaetša ya go ripaganya, ge ke lekile ka maikemišetšo go gobatša yo mongwe, Modimo ntshwarele. Nka se dire seo, ka lefeela. Eupša go le bjalo ke mogolegwa go Lentšu le, le a bona, ke—ke swanetše go dula thwi le Lona. Ga ke bolele dilo tše thata go—go dira batho go ikwela gampe. Ke bolela dilo tše bogale, dinako tše dingwe, go dira batho ba lebelele, le a bona, tshepedišo ya ka ntle, “Oo, lebelelang!” Le a bona, go ba dira ba e lebelele, go bona. Ka gona ge o di hwetša, mohlomongwe dinako tše dingwe e a ba rumola. Gomme e ka ba makga a senyane go tšwa go lesome, ge ba rumotšwe gannyane nthathana, ba tla ya go puruputša Mangwalo, gomme Modimo o dira ka moka ga yona nako yeo, le a bona. E no lebelela feela Mangwalo. Ge nka tsoge ka bolela e ka ba eng e lego kgahlanong le Mangwalo, o tlamegile

go tla go mpotša ka yona, nngwalele, goba tsela ye nngwe go ntira ke tsebe. Gomme ke ka baka leo ke ikwelago go tlengwa ke mošomo go lena, go hlatholla Mangwalo. E sego feela go leka go A hlaloša; go no bolela ka tsela ye a lego. Seo ke se A se bolelago. E dumele, e dumele ka mokgwa woo.

¹⁵ Bjale, ka kgontha ke leboga ketelo. Ke tla go lena, ke lapile. Ke sa tšwa go ba le dipoledišanotsenelelo le dikopano, le go ya pele, go fihla ka mokgwa wo mongwe ke lapile. Gomme dikopano tše pedi ka letšatši di mohuta wa go dira, gabotse, ke no ba kgojana gannyane go rotoga tsela go feta ke be ke le. Ke sa tšo feta masomepedi tlhano, le a tseba, lekga la bobedi. Yeo ke nnete.

¹⁶ Gabotse, go na le boitsholo botee feela, bjoo, gore, ke be ke sa Mo tsebe pejana ka bophelong. Ke be ke rera Ebangedi ge ke be ke le e ka ba, ke a nagana, e ka ba mengwaga ye masomepedi pedi bogolo, gomme ke duma nkabe ke thomile go rera ge ke be ke kgona go bolela, feela mošemane yo monnyane. Ke—ke—ke fošitše mengwaga yela ye bohlokwa yohle. Bakeng sa yo mongwe yo moswa fa, ke a tshepa gore o tla tšea moo ke dirilego phošo ya ka, go tloga e ka ba mengwaga ye lesome bogolo, go ya pele go ya go masomepedi tee goba masomepedi pedi, ke a tshepa gore o tla thoma pejana, kafao ga wa swanelo go lebelela morago go boitsholo bjo ke bo lebeletšego.

¹⁷ Morena a be le lena, ke thapelo ya ka. Gomme ke a tshepa gore se sengwe seo Morena Jesu a ntumeletšego go se dira, ka mpho . . .

¹⁸ Le a bona, ga ke, nka se kgone go re ke nna moreri, le a bona, gobane ke, lefelo la pele, ga ke no ba le go thelela go lekanelo, ga ke ne thuto. Gore gobaneng ke sa kgone go bolela ka go no ba mo—mo “moreri.” Gobane, ge monna a re, “modiredi,” thwi ka pela ba lebelela grata ya kholetše, ba lebelela Ngaka tsoko ye kgolo ya Bokgethwa, goba se sengwe. Gomme ka gona ge o bolela “moreri,” ka gona o šomiša mantšu a ka, popopolelo ya ka ya go šokiša, mohuta woo wa go lebelela o lahlelwase.

¹⁹ Eupša Morena o nthometše go rapelela bana ba Gagwe ba ba babjago. Gomme ka kua, se ke se tsebago ka Yena, ke rata go se hlagiša ka pelo ya ka yohle. Ge ke dira diphošo, le nthapedišeng. Ga ke wa go se palelwase. Ke nna ngwanabolena. Gomme bjale ke a tshepa gore Modimo o dirile se sengwe; ge A se a dira, a nke A se dire le bjale bošegong bjo, a bolele lentšu tsoko goba se sengwe seo se tla go dirago go dumela go Yena.

²⁰ Yo mongwe o be a nyaka go mpha mpho mo e sego telele go fetile, yeo, e be e le tšelete ye ntši. Gomme ke rile, “Nka—nka—nka se kgone go e tše.” Ke rile, “Nka—nka se tsebe ke dire eng ka yona, o a bona,” ke boletše. Ba rile . . . Gabotse, gabotse, e be e le ditolara tše sekete, le a bona. Gomme ke rile, “Nka se tsebe ke dire eng ka yona.”

²¹ Ba rile, “Gabotse, re nyaka ye ka sebele. Ga re nyake ye go kereke.”

²² Ga e ye kerekeng. Wo ke motheo. Le a bona, e ya kerekeng, ka leina la kereke, eupša ke tšhelete ya ka thoko bakeng sa mošwamawatle feela. Le a bona? Gomme kagona, e, di-di dimpho ga di kgone go lefišwa motšhelo, kafao gona e swanetše go šomišwa bakeng sa seo. Poto ya bahlokamelaphahlo, bahlokamelaphahlo ba dutše thwi fa bošegong bjo, ba ntheeditše. Gomme yeo ke therešo. Gomme ke rile . . .

Ba rile, “Re nyaka ye bakeng sa gago le lapa la gago.”

²³ E be e le tšeke. Ga se ke kgone go e tšea, le a bona. Ke rile, “Nka—nka se kgone go dira seo.” Ke rile, “A o nyaka go nthabiša?”

O rile, “Kgonthe.”

Ke rile, “A nka kgona go dira ka yona eng kapa eng ke nyakago?”

“Ya.”

²⁴ Ke rile, “Gona a nke ke thuše go lefela tsela ya ka mošwamawatle.” Gomme ke rile, “Re na le diaparo go lekanela go di apara. Batho ba re fa diaparo tše ntši, gomme re na le dijо mo tafoleng. Ke dira ditolara tše lekgolo ka beke go tšwa kerekeng.” Gomme ke rile nako yeo, “Nna, rena, re ya mmogo gabotse. A nke ke dire ka yona se ke nyakago.” Gomme ke . . .

O rile, “Go lokile, ke ya gago, ithabiše wenamong.”

Gomme ke rile, “E tla nthabiša kudu.”

²⁵ [Ngwanešu o tsenatsena Ngwanešu Branham, gomme o re, “A nke ke no bolela lentšu le tee. Go na le Oldsmobile ye bolou ya seteišene wakone e phakile thwi ka morago ga koloi ya Ngwanešu Branham. Bjale, ge ba tloga, ba ya go tlemelelwa ka kua. Kafao ge o le mo, a ka kgopelo o ka ya gomme wa e tloša, Oldsmobile ya seteišene wakone ya go tšwa Iowa. Ga ke na le nomoro ya laesense, eupša mohlomongwe o a itseba gore o mang, gomme ka kgopelo o ka šuthiša koloi ya gago. Ke a go leboga.”—Mor.] (Ee, mohlomphegi.)

²⁶ Lerato. Ka kgonthe re—re thabela lena batho. Gomme bjale Morena a le šegofatše wa go huma. Gomme ge o kile wa ba go kgabola Jeffersonville, ema gomme o mpone. Ge o etla go kgabola Tucson, ema gomme o mpone, gomme ke—ke tla thaba go go bona.

²⁷ Bjale ka mehla, go dula ka Tucson, ofisi (elelwang) e dula ka Jeffersonville. Billy Paul o thwi kua nako yohle, o tseba fao a ka kgokaganago le nna ka nako efe kapa efe. Le a bona? O tla ba e ka ba yena a nnoši yo a tla tsebago, gobane ke ka tšhemong, lefelo la pele le tee, le lengwe. Gomme mohlomongwe go ba mo, e re, ka Tucson; ka go iri go tloga nako yeo, Morena o mphile pono,

nka no ba tseleng go ya Hawaii, le a bona. Feela e ka ba kae A ntlhahlelago, ke moo ke yago, feela e ka ba kae gape eupša thwi fale, le a bona. Gomme le nthapedišeng. Ge nka se sa le bona gape, ka lehlakoreng le la noka, ke tla kopana le lena godimo Kua. Amene.

²⁸ Bjale pele ga go batamela Lentšu. Gomme, bošegong bjo, ke nyaka go tsea feela di—feela dinakwana di se kae, gobane ke kopane le ba bangwe ba bagwera ba ka ntle kua go tšwa tlase ka Jeffersonville, le go kopana le sehlopha se sengwe sa bona godimo mo mokgotheng, gomme ba otlela ka gare bošegong bjo, ka morago ga tirelo. Gomme ke be ke eya go rera ka thuto, *Go Bala Go Theoga*, e ka ba diiri tše pedi le seripa botelele. Kafao ba—ba be ba ka se ye Jeffersonville pele ga go hlabga letšatši mosong. Kafao, gomme bontši bja lena batho le swanetše go ya mošomong. Gomme le nkwele ke bolela beke ye, gomme ke ipshinne ka go ba le lena. Gomme bjale bošegong bjo ke ya go leka go dira bokaonekaone nka kgonago. Bjale, gona nka se ke, ka bolela seo gomme nka se bolele e ka ba eng ya phošo.

²⁹ Bjale re ya go rapela pele re batamela Lentšu.

³⁰ Modimo wa kgaogelo, go lemogeng gore ke... ke be ke lebeletše godimo ga batho fa bao mohlomongwe ba bangwe nka se tsogego ka ba bona gape. Ye e tla ba nako ya rena ya kopano ya mafelelo. Ge nka bowa morago mo ngwageng go tloga bjale, ba bantsi ba tla, mohlomongwe ba bangwe ba tla be ba sepetsé, go le bjalo, batho ba bagolo. Gomme, Morena, ke a lemoga gore go na le ba bangwe ka mo bošegong bjo ba ba babjago, gomme ge O sa kgwathe mmele wa bona ka tsela ye nngwe, ke... mohlomongwe ba ka se be fa botelele kudu le bona. Gomme gape, Morena, nka no se be mo botelele kudu. Ga re tsebe. A re beng go hlokofala, gona, le tiišetšo, go gopola Lentšu la Modimo, gore, “Dilo tšohle di tla šoma mmogo bakeng sa tše botse go bona ba ba ratago Modimo.”

³¹ Gomme ke tla bala Lentšu, Morena. Seo ke sohle nka kgonago go se dira ke go bala Lentšu, gomme re tla ithekga ka Wena go bolela se sengwe goba go dira se sengwe seo se tla phološago motho yo mongwe le yo mongwe a sega a phološwa fa bošegong bjo. A nke Lentšu la Modimo le be kgonthe kudu go batho ba bangwe, bošegong bjo, Morena, bao ba sega ba phološwa, go fihla tlase ka pelong ya bona ba tla Go amogela bjalo ka Mophološi wa bona. Gomme a nke Moya wo Mokgethwā o tle magareng ga rena, o bolele le rena, le go dira mošomo wa Modimo, ka go tiišetša Lentšu ka maswao a latela. E fe, Tate.

³² Gomme ge bophelo bo fedile gomme re tla go Bophelo bjo Bosafelego, re tla no leboga kudu, Morena, go fihla nako yeo. Gomme ka gona go kgabola lebaka le le se nago mafelelo, re nyaka go dula maotong a Gago, le go lebelela godimo ga Yena yoo re mo ratago le Yena yoo a re ratilego. Go fihla nako yeo, re

boloke re phelegile le go thaba, re Go direla. Leineng la Jesu re a rapela. Amene.

³³ [Ngwanešu gape o tla phuluphithing le dikgopelo gore mong ka kgopelo a šuthiše koloi ya bona—Mor.]

³⁴ A re phetleng bjale ka Mangwalong, go tema ya 4 ya Mokgethwa Mareka, temana ya 35, go bala, ge le rata go latela goba—goba mohlomongwe go e boloka e ngwadilwe fase. Ke a tseba, bontši bja batho, ba tsea le go maraka ka Beibeleng ya bona, sehlogo se sennyane, moo modiredi a bolelago go tšwa gona, gomme go tloga fao ba—ba rata go lebelela morago go yona. Gomme ke rata go bala Melaetša ye mennyanne ye bonolo ye ya Beibele le go bolela ka yona, e no tsikinya pelo ya ka go dira bjalo. Temana ya 35 ya tema ya 4 ya Mokgethwa Mareka.

Gomme letšatši la go swana, ge mantšiboa a tlide, o rile go bona, A re feteleng godimo go lehlakore le lengwe.

Gomme ge ba rometše lešaba kgole, ba mo tšere ebile bjalo ka ge a be a le ka sekepeng. Gomme gape go be go na le dikepe tše dingwe tše nnyane le yena.

Gomme go tsogile ledimo le legolo la phefo, gomme maphotho a itia ka sekepeng, gore bjale se tlale.

Gomme o be a le ka karolong ya moragwana ya sekepe, a robetše, a robala godimo ga mosamelo: gomme ba mo phafositše, gomme ba rile go yena, Morena, a ga o tshwenyege gore re a senyega?

Gomme o tsogile, le go kgalemela phefo, gomme o rile go lewatle, Khutšo, homola. Gomme phefo e ile ya kgaotša, gomme go be go le go homola mo gogolo.

Gomme o rile go bona, Gobaneng le tšhogile bjalo? go bjang gore ga le ne tumelo?

Gomme ba boifile go fetiša, gomme ba boledišana seng, Ke mohuta mang wa motho yo, yoo ebilego le diphefo le lewatle di mo obamelago?

³⁵ Bakeng sa feela po—po polelo ye nnyane, bošegong bjo, ke tla rata go tsea sehlogo go tšwa go yeo, le go e bitša se: *Go Biletša Jesu Lefelongtiragalo*. A re biletšeng Jesu lefelongtiragalo.

³⁶ Le a tseba, ke kgona go eleletša ka fao A ikwetšego. O be a sa tšo ba le letšatši le legolo. Gomme le... O be a lapile. Gomme O be a bolela kudu letšatši leo, a ruta diswantšho. Ge le ka hlokomela, ka peu ya masetete le dilo tša go fapania. O bile le letšatši le legolo la go fodiša balwetši, le—le go ruta, gomme maatla a Gagwe a tlhago a be a no nyakile go felela. Gomme ge modiredi e ka ba ofe a tseba, feela ka go mabodiredi a renia a mannyane ao re nago le ona, ka fao go re lapišago, go swanetše go be go dirile eng go Yena?

³⁷ Elelwang, ka nameng O be a no ba motho, eupša ka Moyeng O be a le Modimo. Eupša, motho ka nameng, kagona mmele wa Gagwe e be e le motho yo a bego a bušwa ke meleko, a bušwa ke malwetši, gomme go no swana le ya rena; bjalo ka ge A ile a swanelo go apara, go ba mo—mo Monna, motho. Gomme ka gona O be a le Modimo, ka Moyeng. O rile, “Nna le Tate wa Ka re Batee. Tate wa Ka o dula ka go Nna.”

³⁸ Ge Johane a Mo kolobeditše nokeng, Jorodane, re bona Modimo a theoga go tšwa Legodimong bjalo ka leeba, gomme Segalontšu se re, “Yo ke Morwa moratwa wa Ka ka go Yena Ke kgahlwago ke go dula ka go yena.” Bjale ge o tsea ya setlogo, gomme ka kgonthe ka tsela ye e ngwadilwego, ke, “Yo Ke kgahlwago ke go dula ka go yena.” Le a bona? Eupša ba beile lediri pele ga lehlathi. “Ka go Yena Ke kgahlwago ke go dula, goba, ka go Yena Ke kgahlwago ke go dula; Yo Ke kgahlwago ke go dula ka go yena.” Le a bona?

³⁹ Yena, Modimo, o dutše ka go Kriste, gomme ka go Yena go be go le botlalo bja Modimohlogo, mmeleng. Modimo a itlhagiša Yenamong ka Jesu, gomme Jesu o be a le bohlatse bja Modimo. A le kgona go e kwešiša bjale? Le a bona, e sego batho ba bararo; ditholanakgopololo tše tharo tša Modimo o tee. E sego bomodimo ba bararo; bomodimo ba bararo, bahetene. Le a bona? E sego bomodimo ba bararo, e sego . . . Tate, Morwa, le Moya wo Mokgethwa, ga se bomodimo ba bararo ba go fapania. Ke Modimo o tee ka go diponagalo tše tharo.

⁴⁰ Modimo, Tate, ka sebolego sa Moya wo Mokgethwa o be o le ka go Pilara ya Mollo, gomme, Yoo, ga go yo motee a bego a ka kgona go kgwatha go Mo dikologa. O be a le yo mokgethwa. Ga go moneelo wa sebe wo o dirilwego; e no ba moneelo wa kgonagalo.

⁴¹ Bjale, Pilara yela ya Mollo ya go swana, Botate, e theogetše tlase gomme e dirilwe Modimo ka Bomorwa. O dutše ka go Pilara ya Mollo, mo O . . . ka go Letago la Shekinah. Fa O dutše ka mmeleng, e bego e le Morwa wa Gagwe yo A mo hlotšego gomme a mo dirilego ka lebopo la motho, kafao seo se Mo dirile Morwa wa Modimo, Adama wa Bobedi. Bjale, O ile a swanelo go tla ka popelo ya mosadi, e sego boka Adama, ka baka la gore seo ke se A bego a swanetše go se ahlola, tswalo ya motho ka mosadi. Le a bona, kafao O ile a swanelo go tla ka tsela yeo. Bjale yoo ke Modimo, Morwa, Modimo wa go swana. Gomme bjale Yena, ka go neela mmele wola ntle le sebe, o dirile moneelo wa motho.

⁴² Bjale, sele, goba moyo, bophelo, o robetše ka mading. Gomme ge sele ya madi ya kwana goba phoofolo e thubilwe, bophelo bjo bo bego bo le ka go sele yeo bo be bo sa kgone go tla morago godimo ga morapedi, ka gore e be e le phoofolo. Gomme re batho, re a fapania. Phoofolo ga e na soulo. Motho o na le soulo. Kafao mo—mo—mo moyo o be o sa kgone go tla morago godimo ga

gagwe ka morago ga ge a dirile moneelo wa gagwe, eupša go le bjalo o e dirile, gomme ka tlhokofalo, a bolela ka tumelo gore o dumetše gore Moneelo wola wa go phethagala o be o etla.

⁴³ Eupša ge sele ya Madi e thubilwe, ka go Jesu Kriste, Modimo o ile a lokollwa. Le a bona, O be a le Modimo. Madi ale e be e se a Mojuda. Madi ale a be a se Montle. Yeo e be e le sele ya go hlola ya Madi, Modimo ka Boyena. Gomme bjale ka Madi ale, o dirile seloba bakeng sa dibe tša rena, o hlwekiša modumedi, o tloša dibe tšohle tša gagwe go yena, mo o ka rego ga se a ke a dira sebe. Modimo o di bea ka Lewatleng la Bolebadi. Gomme Modimo wa go swana yoo a bilego godimo ga Jesu Kriste o tšwelapele ka go modumedi, a dira mediro ya go swana yeo A e dirilego fa, ka gore Ke Moya wa go swana.

⁴⁴ Go na le Modimo, le a bona, e sego bomodimo ba bararo. Oo, ke ba bakae ba lena batho ba mathrinitharian le nago nabo ba hlakahlakane. Gomme ka fao lena batho ba Oneness le e hlakahlakantše, le lena, ka ga Yena go beng yo mongwe boka monwana wa lena. Uh-huh. Le a bona? Bona, bobedi bja bona ba e hlakahlakantše. Le a bona? Yeo ke nnete. Ke Modimo yo motee bjalo ka monwana wa gago, yo motee, A ka kgona bjang go ba Tate wa Gagwe Mong? Le a bona? Le a bona, A ka se kgone go ba Tate wa Gagwe Mong. Gomme ge A bile le Tate yo mongwe ka ntle ga Moya wo Mokgethwa, gomme ge Modimo e le motho, motho, gona Yena ke... Moya wo Mokgethwa e be e le Tate wa Gagwe, gomme Modimo ke Tate wa Gagwe, Mateo 1, kafao gona O be a le Ngwana wa hlaba. Le a bona? Kafao o ka se kgone go e dira ka tsela e ka ba efe, wena, bobedi e fošagetše.

⁴⁵ O be a le Modimo a bonagaditšwe ka nameng ya Morwa mohlolwa wa Gagwe. Le a bona? Bjale, yeo ke, Modimo o hlotše Morwa.

⁴⁶ Gomme ge lena batho ba Katoliki le re, "Bomorwa bja Gosafelego," le hwetša kae lentšu le le bjalo? Ga e dire kgopololo, go nna. A ka kgona bjang go ba wa Gosafelego gomme a ba morwa? Morwa ke se sengwe seo se "tswetšwego," a ka kgona bjang go ba wa Gosafelego? Gosafelego ga se nke gwa ke gwa thoma, ga go tsoge gwa fela, kafao go kgonega bjang go ba bomorwa bja Gosafelego? Oo, nna!

⁴⁷ Ge dikerekemaina tše di se tša hlakahlakanya dilo, ga ke tsebe se se dirilego. Ga go makatše batho ga ba kgone go ba le tumelo, ga ba tsebe ba be le tumelo ka go eng. Yeo ke nnete. Se re se hlokago ke fešene ye botse ya kgale, morago go Beibele. Yeo ke nnete. Nnete tlwa. Yeo ke nnete.

⁴⁸ Bjale, Jesu ka go ba motho, nameng, o be a lapile, a tapile. Bjale a robetše fale, a lapile; bokwala bo tlogile go tšwa go Yena. Gomme ka gona Yena e le Modimo, A ka kgona feela go dira se...

⁴⁹ Bjale le re, “A ka kgona bjang go ba Modimo gomme a ba motho?” Le a bona, go sephiri fao. Le a bona, ka mmeleng O be a le motho, ka Moyeng O be a le Modimo. Le a bona?

⁵⁰ Yo mongwe o mpotšišitše, o rile, “Gona o dirile bjang, O rapetše mang ka Serapeng sa Getsemane?”

⁵¹ Ke rile, “Ke tla go araba yeo ge o araba ye: A o a dumela o ne Moya wo Mokgethwa?”

“Ee.”

⁵² Ke rile, “Gona o rapela Mang? O go kae ge o Mo rapelela? Ge, o tleleima o na le Yena, gomme go le bjalo o rapela Yena.” Le a bona? Batho ba no...ba no hwetša kgopoloo tsoko ye nnyane gomme ba hlanya ka yona, le a bona, yeo ke tsela ye e yago.

⁵³ Bjale, ka Moyeng, O be a le Modimo. Jesu o rile, ka go Mokgethwa Johane 3, le a bona, “Ge, Morwa wa motho yo bjale a lego Legodimong, efela a eme mo lefaseng, ge Morwa wa motho yo bjale a lego Legodimong.” O tla araba seo bjang? Le a bona, O rile O be a le Legodimong nako yeo, gomme šo O be a eme lefaseng. Le a bona? Oo, nna! Le a bona, gore, O be a swanetše go ba Modimo, motlalagohle. Le a bona? Nnete, O gona mogohle. O tseba kgopoloo ye nngwe le ye nngwe. Ka go ba motsebatšohle, ka go tseba dilo tšohle, A ka kgona go ba motlalagohle. Le a bona?

⁵⁴ Kafao bjale re a Mo hwetša, go tsebeng gore O bile le mošomo wo mogolo pele ga Gagwe, letšatši la go latela, O be a eya ka Gadara. Gomme ka Gadara go be go le segaswi, monna yo a bego a lahlegetšwe ke monagano wa gagwe, gomme o be a le ntle kua a phela magareng ga bodiabolo, le go itshega yenamong, monna wa go šokiša yo a bego a sa kgone go bitša bakeng sa thušo ya gagwe mong. Gomme bjale re hwetša gore O tseleng ya Gagwe godimo fale. Ke a dumela O tsebile tšohle ka ga yona. Tate o be a Mo romile godimo kua. O e tsebile.

⁵⁵ Gomme bjale go lapa le go tapa, O ya morago le go tšea monyetla wo bakeng sa go khutša go gomme ge sekepe se kgabaganya lewatle. Letšatši le legolo, mohlomongwe e ka ba ka nako ye mo mantšiboeng, goba moragwana gannyane, ba tshela lewatle, bjale ge Jesu a ile morago go karolo ya go šitiša, morago ka lešagong la sekepe, go molaleng o ile ka kamoreng ye nnyane morago kua, gomme a robala fase godimo ga mosamelo. Gomme ge a sa robetše fale, a khutšitše, barutiwa, ba naganne, “Bjale leeto la rena la letšatši le fedile, goba mošomo wa rena bakeng sa Gagwe, bjale re tšea mošomo wa rena wa mehleng. A re nong go thoma go goga sekepe.”

⁵⁶ Go no swana le barutiwa lehono, ka morago ga ge tsošeletšo e fedile. Gomme bohole re a tseba go fedile. Le wena o ka no rarolla yeo gabotse, go fedile, tsošeletšo ye kgolo ye re biledo nayo. Re no ba re budutša. Kafao, go feleng, motho yo mongwe le yo mongwe o ya morago go kereke ya gagwe mong le eng gape, go tšea, go

ya morago go mošomo wa gagwe wa kgale gape, e ka ba eng a e dirago.

⁵⁷ Gomme re hwetša ba dirile seo ge Jesu a be a khutša gannyane. Gomme bjale ba swanetše go be ba thomile go hlalala godimo ga mediro yeo ba Mmonego a e dira, le go e ahlaahla seng sa bona. Oo, ke rata go nagana ka yona ka tsela yeo, gore—gore ba be ba hlalala godimo ga tsošeletšo ba bilego le yona letšatši leo.

⁵⁸ Le a tseba, go no swana le barutiwa ba Gagwe bjale. Ge o eya gae, ge Morena Jesu a kopana le rena bošegong bjo, gomme o tla dira se sengwe sa go itlhaola, se sengwe boka A dirile bošegong bja go feta, go dira bagolofadi go emelela le go sepela, le dilo tša go fapania. Le a bona? Bjale, ge A ka dira seo, goba yo mongwe a phološwa, goba se sengwe, gona o tla ya gae gomme mohlomongwe, mohumagadi le monnamogatša wa gagwe, bana goba go ya pele, ba tla dula fase gomme ba bolela ka yona.

⁵⁹ Seo ke se barutiwa ba, ke a dumela, ba bego ba se dira. Ba be ba bolela ka se ba se bonego se dirwa. Oo, ba swanetše go be ba be ba hlalala godimo ga sona. Gomme ba swanetše go be ba ahlaahlile ditiro tša Gagwe, tša ka fao A bego a le, o be a itirile ka Boyena go netefatša gore O be a le Lentšu la Modimo le le tshepišitšwego. Bjale, Mesia, O netefaditše go bona ka ditiro tša Gagwe, ka Lentšu la Gagwe, ka tiro ya Gagwe, gore O be a le Motlotšwa. Bjale, lentšu “tloditšwe,” goba, le—le—le lentšu *Kriste* le ra “Motlotšwa.” Kagona, go tla ba yo Motee a tloditšwego ka godimo ga baprofeta bohole; ka gore, baprofeta ba bile le karolo ya Modimo, eupša O bile le botlalo bja Modimo. Le a bona? Bjale, kafao motho o kgonne go no ba le karolo. O bile le botlalo bja Modimohlogo, mmeleng. Bjale ba be ba bolela, gomme ka fao seo se netefaditšego gore O be a le, ka baka la gore ka Lentšu le ba tsebilego ka lona, gomme ba Mo kwelego a hlaloša, o netefaditše go bona O be a le Mang. Oo, a poledišano ye kgolo yeo e swanetše go ba e bile magareng ga barutiwa bale!

⁶⁰ Yo mongwe wa bona o be a tla re, “Gabotse, gona, re a tseba. Re kgotsofetše. Re a dumela Yena ke Mesia yola.” Bjale, le a bona, ba naganne ga se A e kwešiša; O be a le morago ka go karolo ya ka morago ya sekepe. Kafao—kafao ba rile, “O swanetše, re a tseba gore O swanetše go ba morutiwa . . . o swanetše go ba Mesia yo a tloditšwego.”

⁶¹ Morago ba swanetše go be ba ahlaahlile mekgwatebelelo ya batho. Bjale ba swanetše go be ba boletše se sengwe boka se, “Ge re ka kgona go bona seo, efela rena batho ba go se rutege, rena batheadihlapi go tšwa letsheng fa; gomme re kgona go bona le go tseba, le go bala Mangwalo a rena le go tseba gore ka go phethagala O swanela seswantšho sela, le go tseba gore O tsebagaditšwe ke Modimo, gore Yena ke Mesia yola. Gobaneng dihlalefi di sa kgone go e bona? Bothata ke eng ka bona, gore ga ba kgone go e bona?” Ba boledišane mekgwatebelelo. “Ba

bangwe ba bona, batho ba bangwe ba dumetše, ba bangwe ga se ba ke.”

⁶² Gobaneng, go swana le ge go le lehono. Batho ba bangwe ba tla Mo dumela lehono, ba bangwe ga ba dire. Eupša, Yena, seo ga se Mo fetole le gannyane, O sa swana. Ga e Mo fetole.

⁶³ Batho ba bangwe ka letšatšing leo, mohlomongwe kahlaahlo ya bona e bee le se sengwe go swana le se. “Le a tseba, ke boletše le seholpha sa batho tlase kua lehono, ge re . . . O retolletše hlapi yela morago, a atiša dillofo le dihlapi. Ke be ke bolela le ba bangwe ba bona, gomme ba rile, ‘Seo se ka se kgone go ba selo gape eupša Jehofa, ka gore Jehofa e bile Yena Yo a nešitšego borotho go tšwa magodimong, go bana ba Israele.’ Gomme ba rile, ‘Ga se nke monna a bolela ka mokgwa wo. Gobaneng, Monna yo o swanetše go ba Mesia, gobane re a tseba Mesia ke Moprefeta. Gomme, eng kapa eng A e bolelago, Lentšu la Modimo le na le Yena. Gomme eng kapa eng A e bolelago, e swanetše go direga. Gomme Monna yo ke Mesia yola, gobane, e ka ba eng A e bolelago, e a direga.’” Amene! Ke rata seo.

⁶⁴ Ke ka baka leo ke nago le boitshepo bjo bo bjalo ka go *Se*, gobane *Se* ke se *A* se boletšego, gomme se ya go direga. Yeo ke nnete. Yena, O boletše. Le ke Lentšu la Gagwe. E ka ba eng A e bolelago, e tla direga, “Magodimo ohle le lefase di tla feta eupša Lentšu la Ka le ka se ke.”

⁶⁵ Gomme ka gona ba bangwe ba bona ba tšere lehlakore la nekethifi. Bona, basedumele, ba rile, “Monna yo e no ba mmolelelamahlatse. Bjale, Monna yo a ka se kgone go dira selo. Re a tseba gore O no ba mo—mo mmolelelamahlatse.”

⁶⁶ Bjale, ba tsebile O bile le bophelo bja sephiri, gobane O kgonne go lebelela thwi ka pelong ya batho le go ba botša tlwa se ba bego ba se dira, se ba se dirilego, se mathata a bona a bego a le sona, le se se bego se tla direga. Gomme ga se ya ke ya palelwa. E diregile tlwa ka tsela yeo. Gomme yoo e ka kgona feela go ba Modimo.

⁶⁷ Bjale aowa . . . senoge goba mmolelelamahlatse a ka tla mmogo le go thankā nthathana gannyane le go le dira seripa sa tsela se sengwe. Yoo ke diabolo. Mang kapa mang o tseba seo. Kafao ga se le bone mmolelelamahlatse goba mmolelelamahlatse ntle kua a dira Lentšu la Modimo go bonagala, aowa ka nnete, ga ba dire seo. Ba tlogile felotsoko ba tšea moneelo felotsoko, go—go—go go fora. Yeo ke nnete. Gomme ba phela mohuta e ka ba ofe wa bophelo.

Monna yo o netefaditše gore O be a le Mesia.

⁶⁸ Le a bona, meboya ye mebedi e batamelane kudu mmogo gore e tla fora bona bakgethiwa ge go be go kgonega. Eupša ge ba kgethilwe, e ka se ba fore. Le a bona? Eupša e batamelane kudu mmogo, gomme ka go ikgetha mo matšatšing a mafelelo, Jesu o tshepišitše e tla ba, meboya ye mebedi. Gomme ka fao le,

lehlakore le lengwe, kgolekgole go bobedi bja mahlakore fa thwi go tšwa go phihlelelo.

⁶⁹ Moo ntwa e lego, e thwi godimo fale le Sathane. E sego yo mongwe yo a atlago masea, le—le go boloka bahu, le—le go rwala thipa; eupša yo mongwe ka tšoša ya maswaromabedi, thwi godimo ka pele ga ntwa. Yoo ke yena, le a bona. Seo ke selo se se bolelago. Fao ke mo phišo ya ntwa e lego godimo. Fao ke mo lenaba le emego.

⁷⁰ Gomme moragorago, gabotse, ga ba e hlokomele. Le a bona, ga o hwetše kgobogo. Ga go selo se se tlago, feela, “Ngaka *Semangmang*, ka nnete re thabile go go bona, moruti wa rena, ngwanešu, Ngaka *Semangmang* Mokgethwa Tate yo Mokgethwa.” Le a bona? Oo, nna!

Eupša ge o le godimo kua, “Beletsebubu yola wa kgale, diabolo yola, moikaketši yola, Yena ga se selo eupša diabolo.” O thoma go baka nako le nako. Ee, mohlomphegi. Le a bona?

⁷¹ Fao ke mo A bego a eme. Gomme ba be ba tseba ka seo, go be go le Lentšu lela le hlatsetšwego, le netefaditšwe gore le be le le.

⁷² Gomme kafao e, le a tseba, e ka no ba e be e le Johane yo moswa yo a bego a se na le pelo ya gagwe—ya gagwe e tletše mabadi kudu ka thutabomodimo ye ntši, o swanetše go be a boletše se sengwe boka se, “Naganang ka yona! Thwi fa ka sekepeng, Yena yo yoo a tsebagaditšwego ke Lentšu la Jehofa, go ba Mohlanka wa Jehofa, ka go Yena A kgahlwago, o thwi fa ka sekepeng le rena. A maikutlo a go bolokega!”

⁷³ Oo, ge rena bošgong bjo re ka kgona feela go swara pono yela! Yena Jehofa, yoo a dirilego magodimo le lefase, o thwi ka go sebjana se sennyane se sa rena, ge re sesa kgwekgwe ya bophelo ya go hlomphega. Ka gore, Moya wo Mokgethwa ke Jehofa, ka sebopego sa moya, ka go wena. Le a bona? Modimo, Moya wo Mokgethwa, ke Modimo ka Boyena ka go wena. Jesu o rile, “Ka letšatši leo le tla tseba gore Ke ka go Tate, Tate ka go Nna, Nna ka go... gomme lena ka go Nna.” Oo! Oo, nna!

⁷⁴ Ka gona Modimo, tšohle tše Modimo a bego a le tšona, O di tšholletše ka go Jesu; gomme tšohle tše Jesu a bego a le tšona, O di tšholletše ka Kerekeng ya Gagwe, a ikaroganya Yenamong ka Letšatši la Pentecost. Pilara yela ya Mollo e tlile fase gomme ya phatlogela ka Boyona godimo, Letago la Shekinah, gomme a Le bea ka go ba go fapana. Maleme a Mollo a be a bonwa godimo ga yo mongwe le yo mongwe; Moya wo Mokgethwa, Modimo, a itsebagatša ka Boyena ka go batho. Amene.

⁷⁵ Bolela ka mogau wa go makatša, segalo se sebose bjang? A go bolokega go lego! Re ikwela go bolokega gakaakang, go tseba gore ge re otlela go ditselalephefo, e ka ba eng re e dirago, gore Jesu o robetše ka sekepeng. Amene. Yena Yo a kgonago go dira mohlolo e ka ba ofe, a ka kgonago go dira e ka ba eng A nyakago e dirwa, go e dira gape, go itsebagatša Yenamong ka phethagalo. O

ka sekepeng sa rena se sennyane ge re sesa kgwekgwe ya bophelo ya go hlomphega. Go swana le ge A bile nako yela, kafao O bjalo bjale. A maikutlo a polokego, ge re sesa meetse a go hiduega a bophelo. Ge Mel Johnson yo, moopedi wa go kgona, moopelo wo monnyane wa Moswede, “Ge ke tsheletše mošola wa noka ya Jorodane.” E no nagana, ge o etla tlase kua nokeng, O tla ba fao. “Nka se le tlogele le ge e le go le lahla.” A tshepišo, go sesa meetse a a hiduegilego.

⁷⁶ Ba be ba le se sengwe boka rena lehono, barutiwa bale ntle fale go sekepe sela bošgong bjola, ka morago ga tsošeletšo, e be e le keteko ya dipuelo.

⁷⁷ Bjale mohlomongwe gare ga ditsošeletšo bjale, re lebeletše khiduego ye nngwe, moo go swanetšego go ba se sengwe se direga bjale seo se tlago go kgobela Kereke mmogo. Go tla swanelia go ba mohuta tsoko wa pitlagano. Modimo ka mehla o e dira ka tsela yeo, go sepediša batho ba Gagwe mmogo. Ke a dumela gore e šetše e bopegile, yeo e tla tswalelelagoo se sengwe le se sengwe seo se ka se dumelelanego le bona, gomme ka gona e ya go sepediša Kereke mmogo. Gomme re letile seo go direga, gomme re phela ka dipuelo tša tsošeletšo ye kgolo yeo re sa tšwago go e feta, gomme O khutšitše.

⁷⁸ O be a khutšitše nako yeo boka A dirile ge A feditše modiro wa Gagwe ka go Genesi. Beibele e rile, “Gomme letšatši la bošupa, Modimo o khutšitše go mediro yohle ya Gagwe.” Gomme bjale Jesu o feditše letšatši leo, gomme O be a khutšitše go mediro ye A e dirilego letšatši leo, go khutša bakeng sa mo—mo mošomo wo moglwane go thoma gosasa. Le a bona, go khutša gannyanne.

⁷⁹ Gomme seo ke se ke naganago O a se dira bjale. Khiduego ga e magareng ga batho. O ka se kgone go bona mafolofolo ao gatee. Re bile le, e ka ba mengwaga ye lesome goba lesometlhano ya go feta ge tsošeletšo e be e thoma, ye nngwe ya ditsošeletšo tša go swarelela botelelele re kilego ra ba le yona. Gomme histori e bontšha feela tsošeletšo ga e tšee feela ka godimo ga mengwaga ye meraro, ka bontši. Gomme re bile le e tee ka go letšatši le la mafelelo bjale, lebaka la e ka ba mengwaga ye lesometlhano, mello yela ya tsošeletšo e rathile go kgabaganya le—le lefase.

⁸⁰ Eupša bjale e bonala e khutša. Re a makala, mohlanka yo mongwe le yo mongwe wa go tlala ka Moya, gomme o lebelela godimo, “Morena Jesu, ke a tseba gore se sengwe se ya go direga. Ke ikwela kgatelelo e etla pele. Ke a Go rata, Morena. Gomme bjale ke—ke nyaka go Go bona ka khutšo, Morena. Re thuše. Re Go letile.” Yeo e no ba ka tsela ye mokgwatebelelo o logo.

⁸¹ Yeo ke tsela, barutiwa bale ba ahlaahla se ba se bonego, gomme morago, ka pelapela, bothata bo ile bja tsoga.

⁸² Yoo ke Sathane. A ka se go tlogele go khutša godimo ga yona botelele kudu. Ge o eya go bolela ka Morena Jesu, le ka mediro ya Gagwe, o ya go ba thwi fale go tsenatsena yeo.

⁸³ Nako yeo bothata bja tsoga, ka bjakobjako. Sekepe se thoma go kgehlemana, diseila tša tšewa ke phefo, mahuduo a robega, gomme meetse a tlala sekepe. Bothata bo batametše! Le a bona, e diregile ka pela. Dikholofelo tšohle tša go phonyokga di be di ile. Le ge ba Mmone a dira dilo tše ntši tše kgolo kudu; ge bothata bo ratha, ba lebala tšohle ka bjona.

⁸⁴ Bjale ke nyaka go le botšiša se sengwe, bjalo ka ngwanešu. A seo ga se mabapi le mokgwatebelelo wa batho lehono? Re tla tla kerekeng mo, le go goelela le go tumiša Modimo, ge banešu ba rena le go ya pele, ba bolela Lentšu, gomme re kgona go kwa ditshepišo. Re no tumiša Modimo bakeng sa se A se dirilego, ra theetša bopaki bja polelo yela e tee, “Nkile ka ba sefou, mahlo a ka a be a foufetše, bjale ke a bona.” Yo motee o re, “Ngaka o ntlobogile, ka kankere, gomme mo dibekeng tše pedi, goba matšatši a mabedi, goba a mangwe, go be go se ne tlhasana e tee ya kankere. Yeo e bile nako ye telele ya go feta. Ga ba kgone go hwetša gape le bjale.” “Ke robetše, ke tlemilwe godimo ka setulong sa bagolofadi, ke hwile ditho; ke sepela gabotse bjalo ka yo mongwe le yo mongwe gape.” Re kwa mabopaki ao.

⁸⁵ Eupša go no swana le yona, a nke e rathe ntlo ya rena ye nnyane nako ye nngwe, gona re lebala tšohle ka letago lela leo re ipshinnego ka lona, dilo tšela tšohle tše kgolo; oo, ke rena bjale. Le a bona, dilo tšela di direga bakeng sa morero, di direga go go leka. Bjale, bothata bjo re sa kgonego go bo alafa, go bonala o ka re dingaka ga di kgone go alafa, gomme ga go selo se ka kgonago go alafa.

⁸⁶ Ba lekile go goga diseila tša bona; e fefeutšwe. Ba lekile mahuduo a bona; a robegile. Ba kitimetše bogareng bja sekepe; se tletše. Le a bona, Sathane o be a ikemišeditše go ba tše. Bjale o naganne o bile le Jesu a robetše, kgole go tloga go bona, gomme morago o kgonne go ngwegela ka gare go bona.

⁸⁷ Bjale ke ka tsela ye go lego lehono. Ge Sathane a hwetša sebaka, šo o a tla. Le a bona? Gomme o ya go ngaka, o re, “Ga se gona o kago go se dira; bo gatetšepele. Mang? Ga re ne selo bakeng sa go phuhlama ga megalatšika. Ga re ne e ka ba eng bakeng sa mathata a monagano. Aowa, ga re kgone go dira selo. Atheraithisi? Aowa, re ka se kgone go dira selo bakeng sa yeo. Mohlomongwe re ka kgona go go fa cortisone, gomme yeo e tla go bolaya, kafao ga re ne selo bakeng sa yona. Leukemia? Ga se gona re kago go se dira ka yona.” Le a bona, gona o hwetša bothata bjohle.

⁸⁸ Eupša, lebelelang morago, a ga se A fodiša leukemia? A ga se A fodiša kankere? A ga se A dira se sengwe le se sengwe gabotse? A ga se A boloka Lentšu la Gagwe? Le a bona, re a tshwenyega ge e ratha sekepe sa rena se sennyane. Sekgamathi se sennyane se seo re sesago ka go sona ke tsagatsaga, go le bjalo, se tlatšwa ka mathata, lefase.

⁸⁹ Elang hloko, bothata bjo ba ka se kgonego go bo alafa, ka gona poifo e dula ka gare, go no swana le ka fao e lego bjale. Ebile re na le dipoi fo ka go mathata a setshaba. Re na le dipoi fo ka go mathata a kereke. Re na le dipoi fo gohle go dikologa, mogohle. Bjale re re, “Gabotse, bjale, re ka dira eng ka yona?” Ge re ka kgona feela go elelwa gore O ka sekepeng. Le a bona? O re, “Eupša a . . .” Ee. “A O ka sekepeng?”

⁹⁰ Mo, Yo ke Yena, “Mathomong go be go le Lentšu, Lentšu le be le le go Modimo, gomme Lentšu e be e le Modimo.” Gomme Lentšu le “a swana maabane, lehono, le go ya go ile.” E sa no ba go tsea Se! Ke kalafi. Ke sehlare. Ke kalafi bakeng sa go phuhlama go gongwe le go gongwe. Ke—ke kalafi bakeng sa kankere ye nngwe le ye nngwe. Ke kalafi bakeng sa go tlaisega go gongwe le go gongwe. Ke Modimo a bonagaditšwe ka go Lentšu. “Lentšu ke Modimo.” Jesu o rile, “Ke peu.” Peu e bjetšwe ka go mohuta wa maleba wa mobu, e tla gola tlwa se e lego, gomme tshepišo ye nngwe le ye nngwe e tla tšweletšwa. Re lebala tšohle ka yona, go tseba gore O ka sekepeng.

⁹¹ Ba ka be ba tsebile gore O tsebile gore selo sela se be se eya go direga. A le dumela seo? Nnete, O e tsebile. O tsebile, nako yohle, e be e eya go direga. Gobaneng? O e dirile feela go netefatša, go leka tumelo ya bona.

⁹² Gomme dinako tše dingwe O dira selo sa go swana go wena le nna, O dumelela dilo go direga feela go bona se re tla se dirago ka yona. A le dumela seo? Lengwalo le boletše gore, “Morwa yo mongwe le yo mongwe yoo a tlago go Modimo o swanetše go lekwa, go kgalwa, go netefatšwa.” Sathane o tla go dira o netefatše intshi ye nngwe le ye nngwe ya mobu yeo o e tteleimago; ka kgonthe o tla dira. Kafao, dinako tše dingwe Modimo o dumelela dilo tše go direga.

⁹³ Bjale, elelwang, bohole ba be ba thanthetšwe. Dikholo felo tšohle di be di ile. Sekepe sa bona e be e le . . . Diseila tša bona, tše ba bego ba tlwaetše go sesa ka tšona, se be se ile. Mahuduo, ao ba bilego—ba bego ba a gogile, a be a robegile. Maphotho a ile a nyamiša le go tekola seketswana, le go ya pele. Dikholo felo tšohle di be di ile. Gomme efela, thwi le bona, go robetšwe ka sekepeng, e bile Yena Yo a netefaditšego O be a le Mohlodi wa magodimo le lefase. Amene. O be a netefaditše se A bego a le sona, ka maswao le matete, gore Modimo o tšere Lentšu la Gagwe leo A rilego Mesia wa Gagwe o tla le dira, gomme o hlatsetše Monna yola go ba Mesia wa Gagwe. Gomme O be a robetše feela ka morago ga sekepe, go tloga go bona, gomme efela ba be ba tšhogile go iša lehung.

⁹⁴ Letago! Ke ikwela boka . . . se o naganago ke sona, mophikologimokgethwa. Gabotse, bjale elang hloko ge . . . Ke a tseba seo ga se kwagale boka monna wa moruti, eupša go—go ntira ke ikwela gabotse go ebolela, go le bjalo. Le a bona?

⁹⁵ Kafao elang hloko fale, thušo ya bona—ya bona e be e letše thwi fale, gomme ba be ba lebetše tšohle ka ga Yona. Jesu o netefaditše go ba yena Modimo yoo a kgonnego go hlola borotho, letšatši pele ga fao, letšatši la go swana, go hlola hlapi. O netefatša gore O be a le Mohlodi, gomme ba be ba sa makala. [Ga go selo go theipi—Mor.]

⁹⁶ Jesu o rile, “Ge—ge Ke sa dire dilo tše di ngwadilwego ka Nna, gona le se ke la Ntumela; eupša ge Ke dira dilo tše di ngwadilwego ka Nna, di a paka le go le botša gore Ke nna mang.” Oo, nna!

⁹⁷ Ge o tleleima go ba Mokriste, Beibele fa e go botša se Mokriste a swanetšego go ba. Mareka 16 e tla go botša ge eba o modumedi, goba aowa, le a bona, e go botša se o swanetšego go ba.

⁹⁸ Jesu o rile, “Ke mang wa lena a ka go Nkahlola ka sebe?” Sebe ke gosedumele. “Ge Ke se ka netefatša feela tlwa, go lena, se Ke swanetšego go ba sona.”

⁹⁹ Motseta e ka ba ofe yo mogolo boka yoo o re boditšepele ka Beibeleng. Ka mehla re kgona go hwetša lefelo la yona ka Lengwalong. Ke ka baka leo Moya wo Mokgethwa lehono o re boditšegopele ka Beibeleng, gomme re a tseba gore O mo. Gomme re e tseba ka Lengwalo, bohlatse bja se Le lego sona. Re bone ka fao Le dirilego mathomong, re bone ka fao Le dirilego ka go Kriste, re bona ka fao Le dirago lehono. Le a bona, re a tseba Ke Moya wo Mokgethwa, goba aowa, ka gobane O bonagatša le go hlatsela Lentšu la Modimo, go Le dira le phele.

¹⁰⁰ Bjale, “Ke Ona a pakago ka Nna. Phetlang Mangwalo, A le botša gore Ke nna Mang.” Ba be ba swanetše go tseba gore, O be a le Modimo wa go swana yo a kgonnego go hlola borotho, gape O hlotše diphefo le maphotho. Nnete. O no se be karolo ya Modimo; Yena ke Modimo gohle. O hlotše diphefo le maphotho. Ge eba—ge eba dilo tše dingwe di swanetše go Mo obamela, gomme O be a le Mohlodi, tša diphefo le maphotho a ka se swanele go Mo obamela le ona? Amene.

¹⁰¹ Elang hloko, a re elelweng, gape O hlotše mebele ya rena. Gomme a mebele ya rena e ka se swanele go Mo obamela? Amene. O neela dikgopoloo tša gago go Yena, neela bophelo bja gago go Yena, neela tumelo ya gago go Yena, gomme šetša mmele wola o obamela se A se bolelagoo. Ge o le letagwa gomme o ka se kgone—kgone go tlogela go nwa, neela bophelo bjola go Yena gomme, hlokomela, o ka se sa nwa gape. Ge o le mokgogi wa setlwaedi, gomme wa leka go o tlogela gomme wa se kgone go e dira, nno neela seo go Yena gomme šetša se se diregago. O tla dira mmele wola go tla morago ka taolong go Lentšu. Ee, mohlomphegi. Eupša o swanetše go o neela go Yena. O swanetše go Mo dumela. O dirile mebele ya rena; e obamela thato ya Gagwe le yona. A o dumela seo? Ge o le Mokriste, o swanetše.

¹⁰² O re, “O dira mebele ya rena go obamela? Oo, ke a dumela re ne taolo godimo ga seo.” Gona ga o—ga se wa ineela ka bottlalo.

¹⁰³ Ka gore, ga se wena wa gago mong; o hwile. “Wena ka bowena o hwile, gomme bophelo bja gago bo fihlilwe ka go Modimo ka Kriste, gomme bo tswaleletšwe ke Moya wo Mokgethwa.” O ya go tloga bjang go seo? Ke a nagana re hloka tsošeletšo. “Maphelo a rena a hwile.” Re hwile; dikgopololo tša gago mong. O nagana dikgopololo tša go seka. Tšona dikgopololo tša kgale tša lefase tše di go hlahlago go tloga, o hwile go seo. “Gomme bophelo bja gago bo fihlilwe ka go Modimo ka Kriste, le go tswalelwla ke Moya wo Mokgethwa.” A maemo! A go bolokega! Oo, nna! Botelele bjang, go fihla tsošeletšo ye e latelago? “Go fihla letšatši la topollo ya lena.” Baefeso 4:30, “Le se ke la nyamiša Moya wo Mokgethwa wa Modimo, wo le swailwego ka ona go fihla letšatši la topollo ya lena.” A maikutlo a go bolokega, go tsebeng le go bogela Moya wo Mokgethwa o fetola tlhago ya gago go tloga go motho yo mobe. Amene. Gona re a tseba re fetile go tloga lehung go ya Bophelong, re bona Moya wo Mokgethwa o phela ka go rena, Bophelo bja Gagwe.

¹⁰⁴ Paulo o rile, “Bophelo bjo nkilego ka bo phela, ga ke sa bo phela gape. Oo, e sega nna, eupša Kriste yo a phelago ka go nna!” Yeo ke yona, o be a fetile go tloga lehung go ya Bophelong, gomme Kriste o be a phela ka go yena. A bolokegile ka polokego! Kriste e bile Yena a hlahlago sekepe; Paulo o ile a no swanelo go dula go iketla le go Mo obamela.

¹⁰⁵ Elang hloko, Modimo o tla dira mebele ya rena go Mo obamela kudu, go fihla A boletše ka go Mokgethwa Johane tema ya 6, “Yo a jago nama ya Ka, gomme a nwa Madi a Ka, o na le Bophelo bjo bosafelego, gomme Ke tla mo tsoša ka letšatši la mafelelo.” Naganang ka yona, mebele ya rena e obamela ge re se sa na taolo ya yona, gomme e fetogela morago go lerole la go tlala lehwana, Modimo o tla bolela le mmele wola gomme o tla tsoga gape ka go swaneng le Jesu Kriste yo a tsogilego. O tshwenyega ka eng ka wo? Ge o le ka diatleng tša Modimo, lesa, amene, ka gore O tla o tsoša, letšatši la mafelelo. O tshepišitše go e dira, seo ke O RIALO MORENA. E ngwadilwe ka Lentšung la Gagwe. O boifa eng ka se gona, sekepe se sennyane se sa kgale? O ka go sona.

¹⁰⁶ Ge A se, le se ke la tloga bosegong bjo go fihla A etla ka gare. Ke selo sa kotsi go leka go sesa ntle le Yena. O tla nwelela, nnete.

¹⁰⁷ Eupša o ka se kgone go nwelela. Ge o nwelela, O tla go tsoša gape, kafao e dira phapano efe? Bophelo bjo Bosafelego, Modimo Yo a kgonago go dira tlholo yohle go Mo obamela. Oo, ke rata pina yela ya kgale ya kereke:

Diphefo le maphotho a obamela thato ya
Gagwe.

“Khutšo, homola! Khutšo, homola!”

¹⁰⁸ Se sengwe le se sengwe se swanetše go Mo obamela. Tlhago yohle e swanetše go Mo obamela. Yena ke Mohlodi wa tlhago. Amene.

¹⁰⁹ Ka morago ga ge barutiwa ba ikhweditše bonabeng mo bofelong, go swanetše go be go ile gwa sa go bona. Ka morago ga ge ba bone gore ba be ba sa kgone go dira selo ka yona, go swanetše go be go ile gwa sa go bona, “E re, re ka sebopengong sa go šiiša fa! Oo, ke ya go hwa. Ga ke nyake go nwelela. Se . . .”

¹¹⁰ Yo mongwe wa bona o swanetše go be a rile, “Emang motsotso, emang motsotso! A go kile gwa sa go wena, gore O robetše thwi fao? Mo re be re bolela tšohle ka Yena, re paka ka Yena, ka mešomo ye megolo, gomme ba Mo tteleima go ba Mesia, gomme šo Yena thwi mo le rena.” Oo! Oo! Letago! Oo, a maikutlo!

¹¹¹ A o kile wa nagana o be o le bofelong bja tsela? E ka ba dikgwedi tše seswai tša go feta ge ke bone pono gae, gomme le tseba ka yona, *Bahlomphegi, Ke Nako Mang?* Ge ke bone seo, ke kwele mothuthupo wola o direga ka ponong, ke bone Barongwa ba šupa ba etla, ba ntshwara. Ke le boditše bohole, “Bjo ka kgonagalo ke bofelo bja tsela.” Ke ile go mosadimogatša wa ka, gomme ke rile, “Hani, bjo e ka no ba bofelo bja ka. Ga ke tsebe.” Ke ba bakae ba kilego ba kwa theipi? Gabotse, nnete, le a tseba. Le a bona? Ke rile, “Ke O RIALO MORENA. Se sengwe se lokela go direga, ga ke tsebe.” Gomme ka gona ke ile go yena, gomme ke rile, “Moratiwa, ke tla go botša se ke nyakago o se dira bjale. Ge bjo e le bofelo bja ka, Modimo o bontšhitše pono.”

¹¹² Yena ka mehla ga a go botše se e lego sona. Ga se nke a botša ba—ba baprofeta ba Testamente ya Kgale, goba Testamente ye Mpsha, se e bilego. Makga a mantši, ntle le ge A ba nyakile go tseba, ba nno ngwala, le a bona, kafao e be e se taba ya bona. Ke Modimo a dira se sengwe.

¹¹³ Ge Modimo a ka be a se a tla go lefelotiragalo, metsotso ye lesometlhano mosong wo mongwe pele ke tloga, kereke ye e ka be e se mo eupša boteletšana gannyane. Botšišang Ngwanešu Carlson. Ge Morena Modimo a ka be a se a bolela le nna metsotso ye lesometlhano pele ke etla mo, ke be ke tla re, Leineng la Morena, kereke ye e be e ka se eme dikgwedi tše tshela go tloga bjale. Le be le tla šwalalana bjalo ka dinku. Eupša Morena Modimo, ka kgaogelo ya Gagwe, o boletše le nna, ke sa tsebe selo se tee ka yona, gomme ka tla ka botša Ngwanešu Carlson. Gateetee šele e phuthulogile, gomme e be e le fale. Bjale Ngwanešu Carlson šo. Le a bona?

¹¹⁴ Oo, ke thabile kudu gore, mo nakong ya bothata, O ka sekepeng. Amene.

¹¹⁵ Leina la Morena le šegofetše bjang! Ke duma ge nkabe ke na le mantšu, ke be ke na le tlolontšu, mohuta wo mongwe wa lentšu le nka kgonago go hlagiša se A se rago go rena. Efela, ke

ntle le lentšu. Rena . . . Yena, Yena . . . Mo—mo moprofeta o rile, “Yena ke Moeletši, Mokgoma wa Khutšo, Modimo yo Maatla, Tate wa ka Gosafelego,” gomme ka gona o hlaeditše mantšu, o rile, “O a makatša.” O be a se sa na le dithaetlele tše di itšego gape a bego a ka kgona go Mo fa tšona. “Moeletši, Mokgoma wa Khutšo, Modimo yo Maatla, Tate wa Gosafelego, le Semaka.” Amene. Oo, re tumiša bjang yola yo mogolo, Morena Modimo Jehofa!

¹¹⁶ Ka bogareng bja go direla medimo ya diswantšo, ka bogare bja bolefase, ka bogareng bja mehuta yohle ya ditlhakatlhakano le go hlakana, re sa na le Yena ka sekepeng. Oo, ka go letšatši le, ka go letšatsi le ge mabodumedi a sa tsebe gore a ye ka tsela efe; oo, ke thabile bjang go tseba gore Modimo yola wa go swana, ka Letago la Shekinah la go swana, wa go swana maabane, lehono, le go ya go ile, o ka sekepeng, o tseba gore ke swanetše go lebana (ge A diega) e moedi wa moriti wa lehu. Ga go makatše Dafida o goeleditsše, “Nka se boife bobe, gobane O ka sekepeng!” Amene.

¹¹⁷ Oo, ka fao ba kgonnego go bona se, bontši kudu bjoo ba bo bonego, ba be ba sa kgone go e hlagiša yohle, ya se ba se bonego. Bjale go ile gwa ba go bona gore O be a robetše thwi kgauswi le bona.

¹¹⁸ Bjale O kgauswana kudu go wena go feta ka fao A bego a le ka gona nako yela. A seo ke therešo? “Ke na le lena bjale, eupša ke tla ba ka go lena. Lebakana le lennyane gomme lefase le ka se Mpone gape, efela lena le tla Mpona; ka gore Ke tla ba le lena, le ka go lena, go fihla bofelong bja lefase.”

¹¹⁹ “Ngwanešu Branham, a nka kgona go netefaletšwa ka Le?” Jesu o boletše bjalo! “Ke tla e tseba bjang?”

¹²⁰ “Gomme mediro ye Ke e dirago le tla e dira le lena.” Ke lena bao. A le a e dumela? Go lokile, “Wa go swana maabane, lehono, le go ya go ile!”

¹²¹ Ke a nagana ke nako, ge bothata bo etla, gore re re, go barutiwa bale ba swanetšego go be ba rile, “A re yeng go Mo tsoša. A re yeng go Mmitša. A re Mmiletšeng go lefelotiragalo.” Oo, ngwanešu morategi wa ka, kgaetsedi wa ka wa go ratega, ke a go rata. Gomme, elelwang, ke le botša Therešo. Ge o na le bothata bošegong bjo, O batametše thwi. A ka kgona go biletšwa go lefelotiragalo, ka feela mosepelo wa dipounama tša gago. O tla tla go lefelotiragalo. Amene. Biletša Jesu go lefelotiragalo! Tsošang Jesu, gobane re ne Yena le rena, gomme O a swana maabane, lehono, le go ya go ile.

¹²² Ba be ba bone Lentšu la Modimo la Lengwalo le hlatselwa ke Yena, ka fao re dirile, gomme O be a se bothata go biletšwa go lefelotiragalo. O be a nno robala fale a ba letile go Mmitša.

¹²³ Bjale ke a makala, bošegong bjo, ge eba ga A no be a robetše thwi ka pelong ya gago, a go letile go Mo tsoša? Yeo ke nnete. Oo, ke rata seo!

¹²⁴ Batho lehono ba re, “Gabotse, bjale, ge re ka no tseba le go netefatšwa.” Re ba kwa ba re, ba re, “Se ke sela, gomme se ke sela.”

¹²⁵ Eupša Se ke Sela. Se ke Sela. Bjale, Se ke se A se boletšego, Le ke Lentšu la Gagwe. Yena le Lentšu la Gagwe ba a swana. A nke Lentšu la Gagwe le Mo tsebagatše.

¹²⁶ Yeo ke tsela ye A boletšego o be a ka netefatša O be a le Modimo, ka baka la gore mediro ye Modimo a Mo fago go e dira e dirilwe ke Yena. “Ge Ke sa dire mediro ya Tate wa Ka, gona se Ntumeleng.” Le a bona? Ke ka mokgwa wo e Mo tsebagaditšego.

¹²⁷ Woo ke mokgwa wa go go tsebagatša. Ge o re o Mokriste, gomme bo—bo boitsebagatšo bja Mokriste, Mokriste wa Beibele, ga se bo šongwe ka go wena, gona go ne se sengwe sa phošo. Le a bona, “Maswao a a tla latela bona ba ba dumelago.” Ee, mohlomphegi. E sego “mohlomongwe ba tla dira.” Ba tla dira!

¹²⁸ Ge re be re ka no lemoga gore O fa le rena, wa go swana maabane, lehono, le go ya go ile. “Bonang, Ke na le lena ka mehla. Nka se tsoge ka le tlogela, nka se tsoge ka le lahla. Ke na le lena go fihla bofelong bja lefase,” tema ya 24. “Nka se tsoge ka le tlogela,” gape O boletše. Oo! Gape, “Nka se tsoge ka le tlogela goba go le lahla.” Ke be ke nno lebelela Mangwalo a ke a ngwadilego fase mo mabapi le ona.

¹²⁹ Re ka kgona bjang go ba le nnete? Ka Lentšu la Gagwe le le netefaditšwego. Bjale O go letile go Mmiletša go lefelotiragalo, go netefatšwa, ka fao a re yeng gomme re tsoše Kriste ka maphelong a rena.

¹³⁰ O tsoša Kriste bjang? Ka go dumela Lentšu la Gagwe. Tumelo e Mo tliša go lefelotiragalo. Seo ke se se Mo tlišago go lefelotiragalo, tumelo. Ka gona, Mmitše go tiišetša Lentšu la Gagwe. Gomme o se belaele, ka poifo; o se ke wa dira seo. E no Mo dumela bjalo ka ge Le ngwadilwe, gomme a nke e dirwe, gomme Modimo o tla netefatša go lena gore Jesu Kriste o a swana maabane, lehono, le go ya go ile.

Re rapela Modimo wa go se bonagale.

¹³¹ Ge monna a sepeletše sefaleng se, bošegong bjo, ka mabadi a dipikiri diatleng tša gagwe, le mabadi a meetlwa go kgabaganya mo, e ka se be Modimo. Re bile le bontši kudu bja seo mo matšatšing a mafelelo. Le a bona? Gabotse, moikaketši e ka ba mang a ka kgona go dira seo. Le a bona, moekiši e ka ba ofe, moitiriši, a ka kgona go dira seo. Eupša tsela e nnoši o bego o tla tseba Jesu e be e le ka mediro ya Gagwe. Gomme monna yola o tla be a leka go itira Jesu yenamong; gomme Jesu a ka se bonwe ka go mohuta woo wa mmele go fihla re Mmona a Etla. “Go tla ba bokriste ba maaka ba tsoga ka matšatšing a mafelelo,” O rile, “gomme ba tla bontšha matete a magolo, maswao a magolo,” eupša go le bjalo yeo ga se yona.

¹³² “Ka gore bjalo ka legadima le etla go tšwa Bohlabela, gomme le phadimela Bodikela, go tla ga Morwa wa motho go tla bjalo.”

¹³³ Eupša re tseba bjang gona gore O na le rena, ka go . . . ka sebopego sefe? E sego ka dikgopololo tša bohlale; ga go netefatše ka bophelong bja bona. E sego ka go re, “Ke a dumela.” Seo ga se e dire. E swanetše go ba se sengwe se direga ka go wena, woo, Moya wo Mokgethwa ka Boyena, bjoo ke bohlatse bja Modimo.

¹³⁴ Gomme ge o re o na le Moya wo Mokgethwa, gomme ka gona o sa dumele Lentšu le lengwe le le lengwe ka mo, go na le se sengwe sa phošo ka moyo wo o nago nao. Moya wo Mokgethwa o ngwadile Beibele, gomme A ka se kgone go re, “Ke boletše maaka kua. Ke be ke sa re Seo.” E sego Yena; O phethagatše.

¹³⁵ Elang hloko, O tsebagatšwa bjang, O be a ka kgona eng? Ge Beibele e boletše, Bakolose 1:15, gore re—re . . . re rapela “Modimo wa go se bonagale.” Modimo ga a bonagale. A le dumela seo? Ka gona motho yo a tlago go dikologa mo ka mabadi a dipikiri, le muši, le madi, le se sengwe le se sengwe gape, seo se ka se mo dire Modimo. Re rapela Modimo yo a sa bonagalego. Ka mehla O be a sa bonagale go fihla A itsebagatša ka Boyena ka go Jesu Kriste. A yeo ke therešo?

¹³⁶ Bjale Modimo wa go se bonagale o itsebagatša ka Boyena ka go wena. Le a bona? Wena o tempele ya Gagwe. Wena o . . . “Mmele wa gago ke tempele ya Moya wo Mokgethwa.” Lengwalo le bolela bjalo.

¹³⁷ Pilara ya Mollo ye Moshe a e bonego e be e se Modimo wa go se bonagale. Pilara yela ya Mollo e be e le Letago la Shekinah le le bego le emela gore Modimo wa go se bonagale o be a le kgauswi.

¹³⁸ Ge Johane a kolobeditše Jesu, Morwa wa Modimo; Modimo, Modimo wa go se bonagale, o tlide fase ka sebopego sa Seetša, se bopegile bjalo ka leeba se sesela fase go kgabola moyo, Modimo wa go se bonagale a tsebagaditše ka go Letago la Shekinah.

¹³⁹ Modimo wa go swana wa go se bonagale o itsebagaditše Yenamong ka go Pilara ya Mollo, Letago la Shekinah, ge ba be ba gafela tempele nakong ya Salomo. E tlide ka gare gomme e ile . . . Pilara ya Mollo e ile ka gare ka morago ga digaretene, godimo ga Sekgethwakgethwa. Letago la Shekinah le be le tsebagatšwa.

¹⁴⁰ Bjale, ge Paulo a be a le tseleng ya gagwe go theogela Damaseko, Jesu Kriste wa go se bonagale o itsebagaditše Yenamong go Paulo, ka sebopego sa Letago la Shekinah, Seetša se se timilego mahlo a modiradibe yola. Amene.

¹⁴¹ Letago la Shekinah la go swana mo bošegong bjo, la go swana maabane, lehono, le go ya go ile, le emela Modimo wa go se bonagale, go tiišetše Mantšu a Gagwe ka maswao a go swana ao A tshepišitše go dirwa. O bileditše go lefelotiragalo.

¹⁴² Bjale a o ka Mmiletša ka bophelong bja gago, gomme wa re, “Morena Jesu, ke a Mo tšea, ke Go tšea Lentšung la Gago. Ke

a dumela gore O mo. Ke a dumela gore O mo, bošegong bjo, go nthuša. Ke Go nyaka ka sekepeng sa ka. Ke nyaka Wena, Moya wo Mokgethwa wo mogolo, go tla go nna. Ke bothateng. Ke a babja. Ke nna modiradibe. Ke—ke nyaka O tle go nna, ke nyaka O nthuše. Ke a lemoga gore O nno robala fale, o letile go ba, nna go Go bitša. Gomme ke ya go Go bitša, ka pelo ya ka yohle”?

¹⁴³ Bjale a re inamišeng dihlogo tša rena ge re sa dira seo. Ebang le tlhomphokgolo. Rapelang boka go sa nke gwa tsoge pele.

¹⁴⁴ Yo mongwe le yo mongwe ema feela motsotso gomme o nagane. O mang? O eng? O tšwa kae, o ya kae? Ge o be o le modiradibe ka fa bošegong bjo yoo a sa tsebego Kriste, gomme o tla rata Yena go tla ka sekepeng sa gago bošegong bjo le go go thuša go kgabola meetse a a bilošitšwego, gomme o nyaka go gopolwa ka thapelong, a o ka phagamišetša seatla sa gago godimo? Modimo a go šegofatše. Modimo a go šegofatše, wena, wena, wena, bohle go dikologa moago.

¹⁴⁵ A o ka se no elelwa bjale, ge ke go rapelela, gore o tla no bula pelo ya gago. Seo ke sohle se lego go yona. E no ipolela, e re, “Morena, ke phošo. Ke nyaka O nkogopole.”

¹⁴⁶ Morena Modimo, O bone diatla tšela. Batho bale, ke a dumela, Tate. Ke—ke eme fa gare ga Bophelo le lehu, bakeng sa bona. Gomme ke a lemoga, ka Letšatši la Kahlolo, ke ya go swanelia go arabela se ke se dirago gonabjale. Gomme ke a kgopela, ka thapelo, bakeng sa bona, Morena, gore Letago la Shekinah le legolo la Modimo le tla tšwelela go bona, iring ye. Le ka se tsoge la ba tlogela bophelo bja bona ka moka. Gomme gohle go theoga go kgabola bophelo, ka go bothata bjo bongwe le bjo bongwe bjo bonnyane, a nke Letago lela la Shekinah le be fao, go tseba Le ka kgona go bitšwa ka nako efe kapa efe.

¹⁴⁷ Ba boletše ka Mangwalong, Tate, gore, “Ba Go tšere, ka tsela ye O bego o le, le go Go Bea ka sekepeng.”

¹⁴⁸ Morena Jesu, Wena o Moya, bošegong bjo, fa ka sebopego le leina la Moya wo Mokgethwa. O Modimo, ka tumelo re Go tšea bjalo ka ge O le, ka sekepeng sa rena, Tate. Re thuše, Modimo. A nke Letago la Shekinah le tšwelele go rena gomme le fe khutšo.

¹⁴⁹ Ga ke tsebe selo gape go dira, Morena, eupša go bolela se gore O rile, “Ga go motho a ka tlago go Nna ntle le ge Tate wa Ka a mo goga pele, gomme bohle bao Tate a Mphilego ba tla tla go Nna.” Gomme go tšwa morago ga diatla tše, tše ke dumelago gore di be di hlokofetše, ba ba emišeditšego diatla tša bona go Wena. Ke a rapela, Morena Jesu, gona, bjalo ka mohlanka wa Gago, ke ba neela go Wena, bjalo ka dika tša kopano ye fa ka Chicago.

¹⁵⁰ Go laela diabolo go se ba kgwathe gape! Ke phahlo ya Modimo. Tloša diatla, Sathane, go fihla ba hlomilwe ka botlalo gomme ba tla tseba mokgwa wa go itshwara bonabeng le go ganetša lenaba. Ke laela lenaba, ka Jesu Kriste, go ya kgole le bona.

¹⁵¹ A nke Moya wo Mokgethwa wa go rata o ba tšee, o ba etepele go ya go kolobetšo ya meetse, le go ya go kolobetšo ya Moya wo Mokgethwa, morago o ba tswalelele ka Mmušong wa Modimo go fihlela go Tleng le go bonagala ga mmele wo o bonalago wa Morena Jesu go ubula Monyalwa wa Gagwe. Ke ba Gago, Tate. A nke Modimo yo mogolo wa Letago la Shekinah a be le bona bjale le go ya go ile. Leineng la Jesu Kriste, ke a rapela. Amene.

¹⁵² Bjale nakwana feela. Seo ke selo sa pele go se dira. Bjale selo sa bobedi go se dira, ge o Mo amogetše, e tla ba go o hlatsela, ka gore Yena ke Moprista yo Mogolo wa boipolelo bja gago. A ka se kgone go go thuša go fihla pele, ka tumelo, o Mo amogela le—le go paka phatlalatša gore Yena ke Mophološi wa gago. Yena, ge o ka paka ka Yena mo . . . O tla lewa ke dihlong ka Yena mo, O tla lewa ke dihlong ka wena Kua. Ge o sa lewe ke dihlong ka Yena mo, gona A ka se ke a lewa ke dihlong ka wena Kua. Ke a nagana, go tswaleleng ga kopano ye, gore yo mongwe le yo mongwe wa batho ba o amogetše Kriste bjalo ka Mophološi wa gago, o swanetše go tla sefaleng se le go bolela se Modimo a se dirilego ka pelong ya gago.

¹⁵³ Bjale, “O gobaditšwe ka baka la dikarogo tša rena, O tlapirigantšwe ka baka la bokgopo bja rena; kotlo ya khutšo ya rena e be e le godimo ga Gagwe; gomme ka megogoma ya Gagwe re fodisitšwe.”

¹⁵⁴ Bjale ga go dikarata tša thapelo. Batho, re rapeletše balwetši bošegong bjo bongwe, eupša ke ikwela go gapeletšega go dira se. Ke ba bakae batho ba ba babjago ba lego ka fa, phagamišang diatla tša lena. Wena yo a babjago le go hloka. Modimo o a tseba gore o mang. E no ba le tumelo.

¹⁵⁵ Bjale go se be yo a šuthago, go tloga, lebaka—lebaka la metsotso e se mekae ya go latela. Se ke selo se segolo. Ke se segolo kudu!

¹⁵⁶ Kafao ge go na le mosedumele mo yo a sa dumeleko ka go yona, ke a go hlohla, Leineng la Jesu Kriste, go tla mo le go e dira. Ge o tseba ka tsela ye nngwe ntle le Lentšu la Modimo le—le se le lego, Lentšu la Modimo, ke nyaka go e bona e dirwa. Gona, ge o sa kgone, gona e dumele.

¹⁵⁷ Bjale a nke motho yo mongwe le yo mongwe ka fa a lebelele thwi ka tsela ye; goba, a lebelele godimo, seo se kaonana. Ke a boifa ke tla gogela šedi ya lena go se sengwe ke sego ka swanelia. Bjalo ka ge Petro, Johane a rile, “Re lebelele.” Ga ke e re ka tsela yeo. A re, a re lebeleleng godimo.

¹⁵⁸ Gomme ke tla tsopola Lengwalo le lengwe. “Yena ke Moprista yo Mogolo wa boipolelo bja rena,” re tseba seo, “gomme gape Yena ke Moprista yo Mogolo yo a kgonago go kgwathwa ke dikwi tša mefokolo ya rena.” A yeo ke nnete?

¹⁵⁹ Bjale ke ya go lebelela le go bona yo ke mmonago yo ke mo tsebago, gobane ke ne batho tsoko fa, ba dutše ka fa, go tšwa

tabarenekeleng tlase gae. Gomme yo mongwe wa bona ke sa tšwago go mo lemoga, ke, o tla tlase kua, ke Mdi. . . Leina la gagwe le be le le Griffin. Ke lebetše leina la gagwe bjale. Ke Kgaetšedi Rosella fa, yena le mmagwe ba dutše fa. Segatamoroko sa Chicago, gomme Morena o mo fodištše ka kopanong. Lena bohle, go nyakile, le tseba Rosella fa; maboromiwa, le go ya pele, moo a ilego, a paka. Segatamoroko sa go felela, gomme bjale Mokriste wa go ratega, gomme o biditšwe feela ke Letago la Shekinah la go swana. Ke sa go ya go ile, le sona, a ga se sona, Rosella? [Kgaetšedi Rosella o re, "Amene."—Mor.]

¹⁶⁰ Gomme bjale go lebelala go dikologa gape. Ga ke phosithifi, eupša ke nagana ke tseba mohumagadi yo a dutšego fa, thwi fa, mosadi wa bobedi thwi fa, ka diatla tša gagwe godimo ga molomo wa gagwe. Ga ke kgone go bitša leina la gagwe. Ee, wena. A ga o tle tlase ka tabarenekeleng? A ke Mdi. Peckinpaugh? A ke nnete? Seo ke se ke nagannego e be e le sona. Go lokile.

¹⁶¹ Gomme ka gona thwi, mosadi wa boraro morago, ke Mdi. Way, mosadimogatša wa monna yo yoo a welego a hwile ka kerekeng letšatši le lengwe, ka tlhaselo ya pelo, gomme a biletšwe morago bophelong, o dutše fa.

¹⁶² A go na le yo a kilego a bona yo mongwe yo a tsošitšwego go tšwa bahung? Ge o se wa ke wa dira, emišetša diatla tša gago godimo, ga se wa ke wa bona yo mongwe a tsošitšwe go tšwa bahung. Emelela, Mna. Way.

¹⁶³ Ke be ke rera feela boka bjale, Letago la Shekinah le le gona, gomme ka pelapela, ka tlhaselong ya pelo, mahlo a gagwe a ile morago. Bjale o ka kgona go tswalela mahlo a gago, eupša o ka se kgone go lahlela mahlo a gago morago. Mosadimogatša wa gagwe go na le mengwaga ye mentši, mooki yo a ngwadisitšwego, o goeeditše ge a swere pelo ya gagwe le go bona o be a ile. Ke homoditše batheeletši, ka ya tlase. Ke be ke bolela. Ke beile diatla tša ka godimo ga gagwe, gomme ke ikwetše. Ke lebeletše godimo go yena, gomme o rile, "O ile." Gomme ka thuhlula ka mahlo a gagwe, ka bona mahlo a gagwe tsela, karolo ya morago mo, karolo ya lettalo, e retologetše morago ka mokgwa *wola*. O be a se sa na morethetho go feta *wo* o nago.

¹⁶⁴ Ke rile, "Morena Jesu," gomme O tlie go lefelotiragalo.

¹⁶⁵ Ke beile seatla sa ka godimo ga gagwe. Gomme o rile, o lekile go bolela, "Ngwanešu Branham. . ." O be a fokola kudu ga se a kgona go hwetša. . . Gomme šo o eme, bošegong bjo, seala sa mogau wa Modimo.

¹⁶⁶ Bjale ke gore, bonnyane, ditaba tše tlhano goba tše tshela tša go ikgetha tša go hwa, nako ye nngwe lebaka la diiri tše tshela goba tše seswai, o tlie morago bophelong, ka Bogona bja Jesu Kriste, ka thapelo.

¹⁶⁷ Ga ke phosithifi kudu, ka mohumagadi yo monnyane a dutšego fa, ke a dumela ke yena. Ke a go tseba. Ga ke tsebe leina la gago ke mang, eupša ke a go tseba. Nnete?

¹⁶⁸ Gomme ka gona Ngwanešu Brown, ke a dumela ke nnete, ge ke sa phoše, ke dutše... A ke Ngwanešu Brown? Aowa, ga ke nagane ke yona. Ke maswabi. Go lokile, seo se mabapi le yona, ke a dumela.

¹⁶⁹ O a rapela bjale, e re, “Morena Jesu, a nke ke kgwathé kobo ya Gago, O Moprista yo Mogolo. Gomme ke—ke tseba gore Ngwanešu Branham, gore ga a ntsebe, ga a tsebe selo ka nna. Eupša O a ntseba. Gomme ge O ka no ntumelela go kgwathá kobo ya Gago. Ke—ke nyaka go fola.” Bjale rapelang ka thapelang yeo.

¹⁷⁰ Gomme ke kgopela Modimo se. Morena Jesu, gomme go tswaleleng ga kopano ye bošegong bjo, gore batho, a nke basetsebje ka gare ga kgoro, gomme ba ka no se kwešiše, eupša a nke ba tsebe gore Molaetša ke therešo. Etla, Morena Jesu, gomme re fe. Gomme a nke re ineele renabeng, mmogo, gore mosedumele goba Bakriste ba ba tswetšwego ka boswa ba ke ba bone gore Letago la Shekinah la Modimo le mo bjale, le tsebagaditšwe ke seswantšho, gape ka saense, ka dikerekeng go dikologa lefase. O a swana maabane, lehono, le go ya go ile. Re dumela Wena.

¹⁷¹ A nke Morena Jesu... [Kgaetšedi o thoma go bolela ka maleme. Ga go selo lefelong la theipi—Mor.] Tumišang Morena. Bjale Modimo o itsebagaditse Yenamong fa. Bjale, ke dumela seo go ba therešo.

¹⁷² Bjale a nke yo mongwe ka dikarolo tše ka tsela *ye*, gomme ka gona re tla tla ka tsela *ye*, morago le go ya pele, go dikologa. Gomme le no dumela gore... Bjale go se be yo a sepelago go dikologa bjale. Ebang le tlhomphokgolo ka kgonthe.

¹⁷³ Bjale ga ke re O tla e dira. Ke a tshepa O tla dira. Eupša ge A ka e dira, a seo e ka se be bohlatse bja Lentšu le, gore O a swana maabane, lehono, le go ya go ile? A ke ka fao lena batho le tsebilego O be a le Mesia mo mathomong? Ka gona O itsebagatša Yenamong ka kerekeng ya Gagwe, bošegong bjo, gore Yena ke Mesia wa go swana, ge feela le ka dumela.

¹⁷⁴ Bjale e nong go rapela. Ke swanetše go gafela tsela e tee... go bea šedi, a ke re, tsela e tee, e nong go lebelela batho gomme le bone. Ke—ke...

¹⁷⁵ Ee, a go lebogwe Modimo, Sona sese. Leineng la Jesu Kriste, ke tšeela moya wo mongwe le wo mongwe ka mo ka tlase ga taolo ya ka, bakeng sa Letago la Modimo. Bjale le tseba se seo se se rago. Ebang tlhomphokgolo.

¹⁷⁶ Seetša sela se lekeletše godimo ga mosadi yo monnyane a dutšego thwi morago mo, mosadi yo moswa, a aperego roko ye pinki. O rapela ka monnamogatša wa gagwe. O kgelogile, o dutše

thwi morago hleng le kota. O tla e dumela, e amogelete, gomme Modimo o tla dira mohlolo woo bakeng sa gago ge o ka e dumela.

¹⁷⁷ Mohumagadi yo a dutšego kgaušwi le wena o makala ka monnamogatša wa gagwe... Aowa, ke ngwanabo yo a yago go amogelwa sepetlele, gosasa, Veterans Hospital. Ge o ka dumela le wena, e tla go šomela, le wena, ge o ka kgona go e dumela.

¹⁷⁸ Monna šo. Morena a go šegofatše. E no e amogela. O ka kgona go ba le se o se kgopelago.

¹⁷⁹ Go na le monna yo a dirilwego karo, bakeng sa kankere, o dutše godimo mo. Ge o ka dumela, Modimo o tla go dira o fole. A o a e dumela? Mna. Wilcox, emeleta ka maoto a gago, amogela phodišo ya gago. Tate wa Legodimong o a tseba ga se nke ka ke ka bona monna, bophelong bja ka. Yeo ke nnete. Se tshwenyege, mohlomphegi. A re basetsebane; šišinya seatla sa gago yo motee go yo mongwe. Yeo ke therešo.

¹⁸⁰ Ke eng? Letago la Shekinah; Jesu Kriste wa go swana maabane, lehono, le go ya go ile.

¹⁸¹ Mohumagadi wa lekhala mo ka go tsupuga ga setho, ditlhakatlhakano. Mdi. Burnet, a o a dumela gore Morena Jesu o tla go dira o fole? Gona o ka kgona go ba le yona. Amene. Ga se ka ke ka bona mosadi, ka bophelong bja ka.

¹⁸² Go na le asma, o dutše morago kua, o a tlaišega, monna yola a lebeletšego thwi go nna. Oo, ge nka kgona go ba... Morena o tla mpotša ke mang... Mna. McGill, emeleta ka maoto a gago gomme o amogelete phodišo ya gago, Leineng la Jesu Kriste. Ga se ka ke ka bona monna, ka bophelong bja ka. Modimo Ramaatlakamoka o a tseba.

¹⁸³ Yo mongwe fa. Monna šo godimo mo, o na le go kgahla ga madi thwi go dikologa pelo ya gagwe, o dutše mothalong wa morago kua. A o a dumela gore Modimo Ramaatlakamoka o tla go fodiša le go go dira o fole? Ke kholofelo e nnoši o nago le yona, ya go phela.

¹⁸⁴ Monna yo a dutšego thwi tlase mo mafelelong, o rapediša monna yo a lego ka Norway, a rapediša mogwera wa gagwe. Monna ka boyena o tlaišega ka bothata bja mokokotlo. Yeo ke therešo, a ga se yona? Phagamišetša seatla sa gago godimo. Yeo ke yona, o ne se o se nyakago.

¹⁸⁵ Mmitše! O fa. O ka sekepeng. A o a Mo dumela?

¹⁸⁶ Emeleta ka maoto a gago, gona, gomme o re, "Morena Jesu Kriste, ke tla Go bitsa bjale. Ke a Go dumela. Ke Go biletša ka gare go lefelotiragalo, bakeng sa nnamong." Phagamišetša seatla sa gago godimo, gomme ka tsela ya gago mong, goeletša tlhoko ya gago. Ke wena. Ke wena yo a babjago. Šo Yena, O itsebagaditše ka maleba Yenamong, O a swana maabane, lehono, le go ya go ile. Letago go Modimo!

Tate wa Legodimong, thuša feela bjale ka go nako ye ya tlhoko.

¹⁸⁷ Ke hlohla Sathane, ka Bogoneng bja Jesu Kriste yo a tsebagaditšwego. Bakeng sa disakatuku tše, le bakeng sa batho ba; Sathane, o ka se kgone go ba swara. Jesu Kriste o a go kgalema! Batho ba dumela gore O ka sekepeng. O mo bjale. Letago la Gagwe la Shekinah le godimo ga rena. Tšwela ka ntle ga fa, Sathane! Ke a go hlohla, Leineng la Jesu!



GO BILETŠA JESU LEFELONGTIRAGALO NST63-0804E
(Calling Jesus On The Scene)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Agostose 4, 1963, ka Marigold Center ka Chicago, Illinois, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org